



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Domitii Plati Societatis Iesv Theologi, De Domini  
Nostri Iesv Christi Passione**

**Piatti, Domizio**

**Coloniae Agrippinae, 1610**

Prooemivm totius operis.

[urn:nbn:de:hbz:466:1-49474](https://nbn-resolving.org/urn:nbn:de:hbz:466:1-49474)

PRO O E M I V M  
totius operis.



E mo inficias ire potest,  
inter eximia & præcla-  
ra, quæ immensa DE I  
bonitas in hominem  
contulit, beneficia, ad-

numerandum esse Redemptionis  
humanae, sacratissima Vnigeniti fi-  
lij DEI perpeffione ac nece absolutæ  
beneficium; quâdoquidem admira-  
bili hoc munere, non modò effusiffi-  
mi fui erga nos amoris excessum de-  
monftrauit, iuxta illud quod ipfe  
Christus, veritas infallibilis, testifica-  
tur. Sic DEVS dilexit mundum, vt filiū <sup>IOAN. 3.</sup>

suum vnigenitum daret: verum etiam  
dum hominem ad eò insigni benefa-  
cto affecit, se quodâmodo ( vt ita lo-  
quar) ad omnigenas gratias liberaliffi-  
fima manu fua, in illum erogandas  
obligauit: vt propterea cum fuma  
animi libertate, veluti fecurus de hac  
obligatione fpõtanea & amoris ple-

Beneficiū  
redemptio-  
nis tum in  
ferum alijs  
ex caufis  
maximum  
est.

A niffima

Spice  
ipsis

20.

nissima, dixerit Apostolus, eum qui proprio filio non pepercit, cum illo omnia nobis donasse. *Qui proprio, inquit, filio non pepercit, sed pro nobis omnibus tradidit illum: quomodo non etiam cum illo omnia nobis donauit?* Ad hoc Apostoli dictum respexit S. Leo Papa, quando eximijs hisce verbis virtutem & efficaciam sacrosanctę Crucis descripsit. *Cruce tua* (ait alloquens Christum) *omnium fons benedictionum; omnium est causa gratiarum, per quam credentibus datur virtus de infirmitate; gloria de opprobrio; vita de morte.* Singulare igitur & admirabile, tum ex se, tum ex donis consequentibus, est Redemptionis humanę, & Passionis filij DEI beneficium, vt excellētia & admirabilitas hæc, magnę difficultatis in intelligendo & capiendo hoc mysterio causa sit: adeo, vt quamplurimi sublimi & acri etiam ingenio dotati, id omnem ipsorum etiam intelligentiam & scientiam excedere confessi fuerint: & recte quidem: quia est eiusmodi mysterium, quod Iudaica quidem impietas opere

Rem. 1.

Serm. 6. de  
Pass.

TOTIVS OPERIS. 3

opere executā est, sed prius actum & decretum fuit, in secretissimo & admirabili trium Personarum diuinarum consistorio: quemadmodum S. Petrus in actibus Apostol. cum Deo Patre, de filij Passione loquens testatur, cum ait: *Conuenerunt verè in ciuitate ista, aduersus sanctum puerum tuum IESVM, quem unxisti, Herodes & Pontius Pilatus, cum gentibus & populis Israel, facere quæ manus tua, & consilium tuum decreuerunt fieri.*

Act. 4.

Cum ergo cogitationes & iudicia DEI, natura sua adeo profunda sint, ut penetrari & comprehendi nequeant, cumque hoc Dominicæ Passionis mysterium, vnum ex illis sit, mirum non est, illud esse impenetrabile, adeoque non cadere sub creatam intelligentiam atque scientiam. Ut propterea Theodoretus, verba illa Cantici Cantic. *Vadam ad montem myrrhæ, & ad collem thuris*, exponens, rectè dixerit, per montem myrrhæ, intelligendam esse amarissimam Christi passionem, & per collem thuris eiusdem gloriam: non quod il-

Cant. 4.

Cur Christi passio per montem, gloria verò per collem significetur

A 2 la hanc

PROEMIUM

4

la hanc excedat, sed ut indicaret maiorem se nobis offerre difficultatem in explicandis doloribus, & cōprehendendis afflictionibus Saluatoris, quàm in gloria ipsius capienda. Verba ipsius hæc sunt. *Querendum est igitur, cur montem de morte loquens dixerit, collem autem de gloria. Respondet. Quia illud tam excelsum atque arcanum est, ut ab homine animo & cogitatione nequeat comprehendi; ut autem ad gloriam rediret, & clarificaretur ea gloria, quem habuit antequam mundus fieret; id verò nec magnum, nec laboriosum: imò facile admodum fuit.*

Theodore-  
nus.

QUANQVAM verò difficultas mysterij huius, de quo loquimur, propter rationes allatas, maxima est, talisque omninò, ut primo aspectu ab illius penitiori inuestigatione nos deterrere atque abstrahere possit: attamē amor & pietas illius DEI, qui pro nobis mortem excipere non recusavit, arctissimaque qua ad gratitudinem tenemur obligatio, non finit nos illud absque consideratione præ-  
teri-

TOTIVS OPERIS. 3

terire: non enim est, mysterij huius  
adeo difficilis intelligentia, vt pia &  
deuotæ mentes, in illius inuestigatio-  
ne amplissima & vberima pascua  
non repererint, atque in meditatio-  
nibus & contemplationibus suis fer-  
uentissimis, copiosissimam nõ inue-  
nerint materiam, qua noctes etiam  
integras, diebus in sancto hoc orati-  
onis exercitio coniungerent: imò  
plurimi eorum pijs & deuotis de hac  
materia conscriptis libris, aliquam  
eorum quæ ipsi intellexere & gusta-  
uere partem nobis communicarunt:  
quorum ego vestigijs inhærens, de  
diuina ope confusus, breuem hunc de  
Passione Dominica tractatum con-  
scripsi: in quo ad minuendum lecto-  
ris fastidium, tollendumque tedium,  
quod vnus eiusdemque rei creber v-  
sus parere assolet, varietatē & distin-  
ctionem rerū maximè sectatus sum:  
quin & hoc diligenter egi, vt omnia  
quæ de Christi Passione in meditati-  
onem assumi queunt, in nouum or-  
dinem redigerem. Et quoniam ma-  
teria de qua acturus sum, maximi pō-

Christi pas-  
sio, deuota-  
rum mentiū  
sunt pascuæ,  
in suis me-  
ditationibus.

deris & momenti est, quamuis de illa puras meditationes scribere non statuerim: nihilominus non abs re me facturum iudicavi, si priusquam tractationi huic initium facerem, breues aliquot de Oratione institutiones praemitterem, quæ, uti volentibus, formæ instar essent, non huius tantum materiæ, sed omnis etiam alterius meditationis. Suscipiat igitur, pius Lector, nostros hosce labores, ea cum animi beneuolentiâ, qua illi eos offerimus, & si in ijs vitiosum & imperfectum quiddam repererit, id pro sua humanitate excuset: sin verò aliquid inuenerit, quod placeat, & ex quo fructum vtilitatemque spiritalem referat, illi in cunctis gloriam & laudem tribuat, qui propter immensam bonitatem suam omnium bonorum fons & scaturigo est, atque in omnia secula seculorum viuit

& regnat DEVS.

Amen.

BRE-

BREVIS TRACTATUS DE  
ORATIONE MENTALI.

QV ANQVAM multi et graues scri-  
ptores, elegantibus & eruditis li-  
bris nō minūs, piē quā dōctē, necessita-  
tem, vtilitatem & excellentiam Oratio-  
nis quae mente fit, demonstrarunt, eamq̄  
non tantum plurimis & eximjs SS. Pa-  
trum auctoritatibus, sed etiam efficacis-  
simis rationibus & exemplis confirma-  
runt & illustrarunt: attamen cum mi-  
hi videretur, posse in ijs desiderari bre-  
uem & facilem quandā methodum, quā  
quis ad cognitionem materiae adeo neces-  
saria, nullo negotio possit pertingere: ten-  
tavi, exiguo hoc tractatu, omnia ad o-  
rationem mentis spectantia, ea cum bre-  
uitate & facilitate pijs lectoribus tra-  
dere, vt quilibet, quantumcunque rudis  
ex eo instrui, & optatum fructum atq̄  
vtilitatem ex oratione haurire valeat;  
qui vero exactiorem tractationem fla-  
gitabit, aliorum qui prolixius, & ma-  
iore cum eruditione materiam hanc  
elucidandam susceperunt, li-  
bros consulat.

A 4

DE